



## MISSINGIUT

### **Pigisat agguarneqartarnerannik ingerlatsisut pillugit Kalaallit Nunaannut nalunaarut**

Toqusut qimataasa agguarneqartarnerat pillugu inatsisip Kalaallit Nunaannut atuutilersinneqarnera pillugu peqqussummi nr. [...] -imi, [...] -imeersumi § 11, imm. 3 aamma 4 malillugit, aalajangersarneqarpoq:

#### Kapitali 1

##### *Akuersissuteqarneq*

§ 1. Nunatsinni Eqqartuussivimmi eqqartuussisut qullersaannit aamma Nunatta Eqqartuussisuuneqarfiani eqqartuussisuunerit qullersaannit innersuussinerup kingorna, pigisat agguarneqartarnerannik ingerlatsisut inatsiseqarnermut ministerip akuersissuteqarfigissavai.

*Imm. 2.* Akuersissuteqarneq qinnuteqarnerup kingorna pissaaq. Pigisat agguarneqartarnerannik ingerlatsisutut atorfinitsinneqarnissaq pillugu inuttassarsiuineq Nunatsinni Eqqartuussivimmi eqqartuussisut qullersaannit suliarineqassaaq.

§ 2. Eqqartuussissuserisut, eqqartuussissuserisutut suliaqarnermik suliaqartunut, akuersissuteqarneq nalunaarutigineqarsinnaavoq.

*Imm. 2.* Piginnittup piffissap erseqqinnerusumik aalajangerneqartup qaangiutinnginnerani aappariit pigisaasa agguanneqartarnerat pillugu ilinniaqqinnissaa, akuersissuteqarnermut piumasaqaatigineqarsinnaavoq.

*Imm. 3.* Akuersissut piffissamut ukiunik 10-inik sivilutigisumut nalunaarutigineqassaaq.

*Imm. 4.* Suliffik inuttassarsiutigeqqinnagu, akuersissut nalunaarutigineqarsimasoq qinnuteqarnerup kingorna piffissamut killilimmut nutaamut ukiunik 10-nik sivilutigisumut sivitorneqarsinnaavoq. Tamanna pillugu qinnuteqaat akuersissutip nalunaarutigineqarsimasup naannginnerani siusinnerpaamik ukioq ataaseq aamma qaammatit marluk aamma kingusinnerpaamik ukioq ataaseq naatinnagu Nunatsinni Eqqartuussivimmi eqqartuussisut qullersaannut tunniunneqassaaq. Nunatsinni Eqqartuussisuuneqarfimmi eqqartuussisuunerit qullersaat aqutigalugu Nunatsinni Eqqartuussivimmi eqqartuussisut qullersaata qinnuteqaat Civilstyrelsimut nassiutissavaa. Nunatsinni Eqqartuussivimmi eqqartuussisut qullersaat aamma Nunatsinni Eqqartuussisuuneqarfimmi eqqartuussisuunerit qullersaat qinnuteqaat akuerineqartariaqarnerasoq pillugu innersuussuteqassapput. Qinnuteqaat akuersissutip nalunaarutigineqarsimasup naannginnerani ukiumik ataatsimit kingusinnerusumik Nunatsinni Eqqartuussivimmi eqqartuussisut qullersaannut tunniunneqarsimasoq, pissaliussap qaangerneqarnera naleqquttumik tunngavilersorneqarpat, Civilstyrelsip suliarisinnaavaa.

*Imm. 5.* Pigisat agguarneqartarnerannik ingerlatsisutut suliffik inuttassarsiorneqassasoq imaluunniit atorunnaarsinneqassasoq, Nunatsinni Eqqartuussivimmi eqqartuussisut qullersaannit innersuussinerup kingorna, Inatsiseqarnermut ministerip aalajangersinnaavaa. Akuersissuteqarnerup nalunaarutigineqarnerata kingorna ukiut pingasut qaangiukkaangata innersuussineq tunniunneqartarsinnaavoq. Innersuussineq pillugu pigisat agguarneqartarnerannik ingerlatsisoq Nunatsinni Eqqartuussivimmi eqqartuussisut qullersaata nalunaarfigissavaa.

*Imm. 6.* Pigisat agguarneqartarnerannik ingerlatsisutut akuersissut inunnut akuersissutaavoq aamma tunniunneqarsinnaangilaq.

**§ 3.** Pigisat agguarneqartarnerannik ingerlatsisutut akuersissut, pigisat agguarneqartarnerannik suliassat, Nunatsinni Eqqartuussivimmit innersuunneqartut, suliarineqarnissaannik pisussaaffimmik kinguneqarpoq.

*Imm. 2.* Pissutsit immikkut ittut pissutaappata, pigisat agguarneqartarnerannik ingerlatsisumit noqqaassuteqarnerup kingorna, taassuma pigisat agguarneqartarnerannik ingerlatsinermik pisussaajunnaarnera, Nunatsinni Eqqartuussiviup aalajangersinnaavaa.

§ 4. Pigisat agguarneqartarnerannik ingerlatsisutut akuersissut tulliuuttut pippata atorunnaassaaq

- 1) § 2, imm. 4 malillugu tamanna sioqqullugu inatsiseqarnermut ministeri sivitsuinissaq pillugu aalajangiisimangippat, akuersissuteqarnermut piffissaliussap naanerani,
- 2) § 2, imm. 5 malillugu inatsiseqarnermut ministerip aalajangiinerata kingorna qaammatit 6 qaangiunneranni,
- 3) inatsisilerinermut tunngasunik suliaqarnermik sulisinnaatitaanerup atorunnaarsinneqarnerani, imaluunniit
- 4) ilinniarneq tamanna sioqqullugu naammassineqarsimangippat, ilinniaqqinnissamut piffissap aalajangerneqartup naanerani.

§ 5. Tulliuut pippata, pigisat agguarneqartarnerannik ingerlatsisutut akuersissut Inatsiseqarnermut ministerip utertissinnaavaa

- 1) napparsimaneq pissutigalugu piginnittoq piffissami sivisunerusumi najuussimangippat,
- 2) pigisat agguarneqartarnerannik ingerlatsisutut pisussaaffini annertuumik qaangiinnarsimappagit, imaluunniit
- 3) pissutsit immikkut ittut pissutigalugit.

*Imm. 2.* Akuersissutip utertinneqarnissaanut pissutsit pissutissaqalersitsisinnaasut pillugit, Nunatsinni Eqqartuussivimmi eqqartuussisut qullersaata Civilstyrelsen nalunaarfigissavaa.

§ 6. Pigisat agguarneqartarnerannik ingerlatsisoq, qaammammik ataatsimik ilimasaarilluni akuerisaasumik pigisat agguarneqartarnerannik ingerlatsisutut suliffimmunit pisussaajunnaarsinneqarnissani qinnutigisinnaavaa. Pisussaajunnaarsinneqarneq pillugu qinnuteqarneq Nunatsinni Eqqartuussivimmi eqqartuussisut qullersaat aqputigalugu Civilstyrelsimut tunniunneqassaaq.

§ 7. Akuersissutip atorunnaarsinneqarnerani, pigisat agguarneqartarnerannik ingerlatsisup akuersissutini Civilstyrelsimut tunniutissavaa, taassumalu Nunatsinni Eqqartuussivik nalunaarfigissavaa.

§ 8. Eqqartuussissuserisoq, eqqartuussissuserisuunermik suliaqartoq, naak pigisat agguarneqartarnerannik ingerlatsisutut akuersissut atorunnaaraluartoq, pigisat agguarneqartarnerannik suliaqarneq naammassillugu suliarissavaa. Pigisat agguarneqartarnerannik suliaqarneq aallarteqqinneqarpat, tamanna aamma atuuppoq.

*Imm. 2.* Imm. 1 apeqqutaatinnagu, eqqartuussissuserisoq, taassumap pigisat agguarneqartarnerannik ingerlatsinera atorunnaareeraluartoq, pigisat agguarneqarnerat naammassillugu suliarineqassanngitsoq, Nunatsinni

Eqqartuussiviup aalajangersinnaavaa. Tamatuma kingorna pigisat nalillit aamma atortussat allat, pigisat agguarneqarneranni naammassineqanngitsumi pigineqartut, Nunatsinni Eqqartuussivimmuut eqqartuussissuserisup erngerluni tunniutissavai. Aammattaaq piaarnerpaamik pigisat agguarneqarnerat pillugu naatsorsuutit pigisat agguarneqartarnerannik ingerlatsisup saqqummiutissavai. Toqusut qimataasa agguarneqartarnerat pillugu inatsimmi § 54 a, imm. 2 malillugu pigisat agguarneqartarnerannik ingerlatsisoq soraarsinneqarpat imaluunniit pigisat agguarneqartarnerannik ingerlatsinermi ataatsimi ingerlatsisutut pisussaajunnaarsinneqarpat, tamanna aamma atuuppoq.

## Kapitali 2

### *Pigisat agguarneqartarnerannik ingerlatsisut allat*

§ 9. Pigisat agguarneqartarnerannik ingerlatsisumut, akuersissummik peqanngitsumut, pigisat Nunatsinni Eqqartuussiviup tunniussinnginnerani, pineqartoq pineqaatissinneqarsimannginnermik uppersaammik takutitsissaaq aamma allakkatigut tulliuuttut pillugit pineqartoq tassaasoq pillugu nalunaarummik tunniussissalluni

1) namminersorsinnaatitaanermik inatsimmi §§ 1 imaluunniit 2 malillugit nammineersinnaassuseqarnini aamma namminersorsinnaatitaanermik inatsimmi § 53 malillugu nammineersinnaassuseqarluni angajoqqaatut akisussaataasoq isumasioqatigeqqaarlugu pisuussutaatiminik atuisinnaanermik pisussaaffeqannginnini pillugit, aamma

2) akilersuineramik unitsitsineq nalunaarutigisimanagu imaluunniit akiliisinnaajunnaarnerup ataaniinnani.

*Imm. 2.* Pigisat agguarneqarnerannik ingerlatsisoq eqqartuussissuserisutut suliaqarnermik suliaqarpat imaluunniit allakkut, toqusut qimataasa agguarneqartarnerat pillugu inatsimmi § 11, imm. 2-mi piunasaqaatinik naammassinnittutut isigineqartunik inuussutissarsiuteqarpat, imm. 1-imi aalajangersagaq atuutinngilaq.

§ 10. Pigisat agguarneqartarnerannik ingerlatsisutut suliffik, pigisat agguarneqarnerisa naammassineqannginneranni, atorunnaarpat, taamatuttaaq § 8 atuutissaaq.

## Kapitali 3

*Sillimmasiinermit piunasaqaatit, pinngitsoorani naammassisassat aamma matussusiinerit annertussusissaat*

**§ 11.** Akisussaasuernermit sillimmasiissummit ajunaarutit matussuserneqartut minillugit, pigisat agguarneqartarnerannik ingerlatsinerminut atatillugu, pigisat agguarneqartarnerannik ingerlatsisup pigisanut agguarneqartunut imaluunniit allanut ajunaarutinngortissimasai, ajunaarutit sugaluartulluunniit, toqusut qimataasa agguarneqartarnerat pillugu inatsisip Kalaallit Nunaannut atuutilersinneqarnera pillugu peqqussummi nr. [...] -imi, [...] -imeersumi § 39, imm. 1 malillugu, qularnaveeqqutip qularnaveeqqusiunneqartussap matussusissavai.

*Imm. 2.* Qularnaveeqqutip imm. 1-imi taaneqartup annertussusaa, pigisat agguarneqartarnerannik ingerlatsisup isumasioqatigineqarnerata kingorna aamma pigisanut agguarneqartussanut pissutsit eqqarsaatigalugit, Nunatsinni Eqqartuussivimmit aalajangersarneqassapput. Pigisat agguarneqartussani pigisat nalillit ilanngaateqanngitsumik nalingat aallaavigalugu qularnaveeqqutip annertussusaa aalajangersarneqassaaq. Taamaattoq pigisat tigussaasut pineqartillugit, pigisani agguarneqartussani pigisat qularnaveeqqusiussaqluni taarsigassarsianik nalunaarsorneqarsimasunik qanoq annertutigisunik imaqarnersut, eqqarsaatigineqassaaq. Qularnaveeqqutip annertussusaa, toqusup pigisaasa nalillit aamma akiitsuisa ullormi toquffiani inatsisilerinermit aningaasaqarnermullu tunngasumik nalunaarsuummik suliaqartoqarnissaata tungaanut, utaqqiisaagallartumik akuerineqarsinnaavoq.

*Imm. 3.* Toqusut qimataasa agguarneqartarnerat pillugu inatsimmi § 39, imm. 1 malillugu qularnaveeqqut, akiliussisussamaataanermut sillimmasiinermit allaanerusumit qularnaveeqqusiunneqartoq, Nunatsinni Eqqartuussivimmit akuerineqassaaq, taassumalu aammattaaq pigisat agguarneqartarnerannik ingerlatsisup innersuussuteqarneratigut, qularnaveeqqutip suunissaa, aamma qanoq ililluni inissinneqarnissaa immikkullu piumasaqaatitaqarnissaa aalajangissavaa. Qularnaveeqqutip qularnaveeqqusiunneqarsimaneranut uppernarsaat, Nunatsinni Eqqartuussivimmut nassiunneqassaaq.

**§ 12.** Eqqartuussissuserisup akisussaaneermut sillimmasiissut pillugu paasissutissat Nunatsinni Eqqartuussiviup qaqugukkulluunniit piumasarisinnaavai, matumani sillimmasiinermit allagartap takutinneqarnissaa ilanngullugu. Pigisat agguarneqartussat qanoq issusaat eqqarsaatigalugu, inuttut ataasiakkaatut akisussaaneermut sillimmaserneqarsimanissaq, Nunatsinni Eqqartuussiviup piumasaqaatigisinnaavaa.

§ 13. Pigisat agguarneqartussat ataasiakkaat ilanngaatitaqanngitsumik pigisai nalillit Nunatsinni Eqqartuussiviup aalajangigaanik nalimmik qaangiinnippata, eqqartuussissuserisunut, eqqartuussiveqarfimmi pigisat agguarneqartarnerannik ingerlatsisussatut akuerisaasunut, pigisat agguarneqartarnerannik ingerlatsisoq imaluunniit pigisat agguarneqartarnerannik ingerlatsisut arlallit ataatsimoorlutik akiliussisussamaataanermut sillimmasiissasut, pigisat agguarneqartussat, pineqartumut imaluunniit pineqartunut akuersissuteqarneq pissutigalugu taassumunnga imaluunniit taakkununnga tunniunneqartunik ilaatitsisumik, Nunatsinni Eqqartuussiviup aalajangersinnaavaa. Sillimmasiisarfiup taartigisinnaasaata annertunerpaaffissaa Nunatsinni Eqqartuussivimmit aalajangersarneqassaaq, aamma sillimmasiineranut akilersuut pigisanut agguassassanut ataasiakkaanut ilaminut naleqquttumik agguarneqassaaq

*Imm. 2.* Pigisani agguarneqartussani ataatsimi ilanngaatitaqanngitsumik pigisanut nalilinnut killiliussaq, Nunatsinni Eqqartuussivimmit aalajangerneqartoq, qaangerneqarpat, pigisat agguarneqartussat taakku tamakkerlugit § 11 malillugu qularnaveeqqusiiffigineqassapput.

§ 14. Ajunaarut sillimmasersimasup pigisat agguarneqartarnerannik ingerlatsisutut suliaqarneranik pissuteqarpat, pigisat agguarneqartarnerannik ingerlatsisoq, eqqartuussissuserisutut suliaqarnermik suliaqanngitsoq, akisussaasuunermut sillimmasiissummik sillimmasiissaaq, taannalu akisussaaffimmik taassuminnga, peqqissaarani aamma mianersuaalliorluni iliuseqarnikkut imaluunniit iliuseqannginnikkut pigisanut agguarneqartussanut imaluunniit allannut tutsinneqartumut, pigisat nalillit ajoquserneranni akileqquneqartussaasumik matussusiissaaq. Sillimmasiineranut allagartaq Nunatsinni Eqqartuussivimmit akuerineqassaaq. Sillimmasiisarfiup taartigisinnaasaata annertunerpaaffia toqusup pigisaasa nalillit aamma akiitsuisa ullormi toquffiani inatsisilerineranut aningaasaqarnermullu tunngasumik nalunaarsuummik suliaqartoqarnissaata tungaanut, utaqqiisaagallartumik aalajangersarneqarsinnaavoq.

§ 15. Akiliussisussamaataanermut sillimmasiissutinut allagartat ima ilusilersorneqassappata, sillimmasiineq Nunatsinni Eqqartuussivik akuersiteqqaarnagu allanngortinneqarsinnaanatik imaluunniit taamaatitinneqarsinnaanatik, pissutsit immikkut illuinnartut atuutsinnagit, inunmut ataasiakkaanut akisussaasuunermut sillimmasiissutinut tamanna aamma atuuppoq. Pisussaaffimmik sumiginnaaneq pissutigalugu sillimmasiineq atorunnaarpat, minnerpaamik qaammammik ataatsimik

ilimasaarilluni, sillimmasiisarfiup Nunatsinni Eqqartuussivik nalunaarfigissavaa.

*Imm. 2.* Inunnut ataasiakkaanut akisussaasuunermut sillimmasiissut ima sillimmasiissutigineqarsimappat, taanna ukiup sillimmaserfiusup naanerani atorunnaassalluni, ukiup sillimmaserfiusup naanissaa kingusinnerpaamik ullut 14-it sioqqullugit, sillimmasiissutip nutarterneqarnissaata naatsorsuutigineqarnera, pigisat agguarneqartarnerannut ingerlatsisup Nunatsinni Eqqartuussivik nalunaarfigissavaa. Ukiup sillimmasiiffiusup naanerata kingorna kingusinnerpaamik ullut 14-it qaangiunneranni, sillimmasiinerup nutarterneqarsimanera pillugu uppersaat, pigisat agguarneqartarnerannut ingerlatsisup nassiutissavaa.

**§ 16.** Sillimmasiissummit matussuserneqarnissamik imaluunniit qularnaveeqqusiinissamik pisariaqartitsineq allanngorpat, pigisat agguarneqartarnerannik ingerlatsisup erngerluni Nunatsinni Eqqartuussivik nalunaarfigissavaa.

**§ 17.** Pigisani agguaassassani soqutiginnittut tamarluinnarmik aamma akitsuusiinikkut akileraarutit pineqartillugit pisortat piumasaaqatiminnik naammassinnissimanerat qularnarunnaarsinneqarpat, sillimmasiinermit matussuserneqarnerup taamaatitinneqarnera aamma qularnaveeqqusiinerup taamaatitinneqarnera pillugit aalajangiineq, Nunatsinni Eqqartuussivimmit aalajangerneqassaaq.

*Imm. 2.* Taamaatitsinerup kingorna, sillimmasiinermit allagartat, § 15, imm. 1-imi taaneqartut, Nunatsinni Eqqartuussiviup sillimmasiisarfirmut nassiutissavai.

#### Kapitali 4

*Pigisat agguarneqartussat aningaasaataanik ingerlatsinneq aqutsinerlu*

**§ 18.** Pigisat agguaassassat aningaasartaat, pigisanut agguaassassanut sapinngisamik pitsaanerpaamik, pigisat agguanneqarnerannik ingerlatsisut ingerlatissavaat aqullugillu.

**§ 19.** Eqqartuussissuserisut, eqqartuussissuserisutut suliaqarnermik suliaqartut aamma pigisat agguarneqartarnerannik ingerlatsisutut sulisut, aningaasanik pigisanit agguaassassanit pigineqartunit suliarinninnerminni naatsorsuuserineq pillugu inatsisip Kalaallit Nunaannut atuutilersinneqarnera pillugu peqqussummi, nr. 624-mi, 23. juni 2008-meersumi, kingornatigullu allannguutini aamma aningaasanik tatigineqarluni tunniunneqartunik suliarinninnermi eqqartuussissuserisut

pisussaaffii pillugit Advokatrådip malittarisassaani, Kalaallit Nunaanni eqqartuussisarnermik inatsimmi § 79 malillugu Inatsiseqarnermut ministereqarfimmit akuerineqartuni, kapitalimi matumani aalajangersakkat malitsigisaannik malittarisassat ilallugit, malittarisassat malittussaavaat.

**§ 20.** Pigisat agguarneqartarnerannik ingerlatsisut, eqqartuussissuserisutut suliaqanngitsut, pigisanut agguarneqartussanut naatsorsuutit aamma naatsorsuutininut allattuineq eqqarsaatigalugit, naatsorsuuserineq pillugu inatsimminaatsorsuuserinerminni ileqqorissaarnermik takutitsissapput. Pigisat agguagassat pigisaanik nalilinnik aamma akiligassaanik kiisalu inerneranik, pigisat agguagassat naatsorsuutaat eqqortumik takutitsissaaq.

**§ 21.** Pigisani agguarneqartussani aningaasannorlugit aningaasaatinik peqarpat, aningaaserivimmi kontomik ataatsimik arlalinnilluunniit pilersitsisoqassaaq. Pigisat agguarneqartarnerannik ingerlatsisoq eqqartuussissuserisutut suliaqarpat, pigisat agguarneqartarnerannik ingerlatsisup aqqa atorlugu, pigisat agguarneqartussat atii pillugit ilanngussaq ilanngullugu konto imaluunniit konto-t pilersinneqassapput. Pigisat agguarneqartarnerannik ingerlatsisut allat kontomik imaluunniit kontonik pigisat agguarneqartussat atiinik atilerlugit pilersitsissapput.

*Imm. 2.* Aningaasannorlugit aningaasat pigisani agguarneqartussani pigineqartut, imm. 1-imi taaneqartuni kontomi ataatsimi imaluunniit kontoni arlalinni uninngatinneqassapput. Konto-t sorliit pigisanut agguagassanut ataasiakkaanut atassuteqarnerisut, pigisat agguarneqartarnerannik ingerlatsisumi nalunaarsuummi takuneqarsinnaassaaq.

*Imm. 3.* Pigisat agguagassat aningaasaataannik qanoq annertutigisunik pigisat agguarneqartarnerannik ingerlatsisoq atuisinnaanersoq, pigisat agguarneqartarnerannik ingerlatsisoq siunersiueqatigalugu Nunatsinni Eqqartuussiviup aalajangissavaa. Pigisanut agguagassanut pissutsit immikkut ittut, matumani imm. 4 malillugu suliffeqarfeqarpat suliffeqarfiup ingerlanneqarnissaa pillugu, eqqarsaatigalugit, aningaasat taakku aalajangersarneqarnerat pissaaq.

*Imm. 4.* Toqusup suliffeqarfiutaa ingerlateqqinneqarpat, karsimi aningaasaatit naleqquttut suliffeqarfiup atorsinnaagai, pigisat agguarneqartarnerannik ingerlatsisup akuerisinnaavaa. § 22, imm. 3 malillugu naatsorsuutininut allattuineq pigisanit agguarneqartussanit pigineqartumi suliffeqarfimmi sulisunit suliarineqarpat, pigisat agguarneqartussat aningaasaatai pisariaqartinneqartumik annertussuseqartumik taakkunannga atorneqarsinnaanerat, pigisat

agguarneqartarnerannik ingerlatsisup akuerisinnaavaa. Naatsorsuuserisoq, pigisat agguarneqartarnerannik ingerlatsisup § 22, imm. 3 malillugu pigisat agguarneqartarnerannik ingerlatsisup atorfinitsissimasata, aningaasat pigineqarnerat nakkutigissavaa.

*Imm. 5.* Pigisani agguarneqartussani pappiaqqat aningaasanik nalillit pigisat agguarneqartussat aqqani allanneqassapput imaluunniit aningaaserivimmi toqqorsivimmi ammasumi inissinneqassallutik.

**§ 22.** Pigisani agguarneqartussani tamani immikkut naatsorsuuserinermini pigisat agguarneqartarnerannik ingerlatsisoq immikkut ittumik kontomik ingerlatsissaaq. Kontomi tassani pigisani agguarneqartussani aningaasanik ilisinerit- aamma akiliinerit, erniat ilanngunneqarneri, nuussinerit aamma naatsorsuuserinermut tunngasumik nuussinerit allat tamarmik nalunaarsorneqassapput. Naatsorsuutitut allattuineq ingerlaannartumik pissaaq aamma pigisat agguarneqartussat aningaasaataanik pigisat agguarneqartarnerannik ingerlatsisup uninngasuutaasa nikinneri tamaasa takutissallugit, matumani pigisat agguarneqartussat aningaaserivimmi konto-ini aningaasanik ilisinerit- aamma akiliinerit ilanngullugit. Naatsorsuutini allattuineq aammattaaq naatsorsuutit killiffiannik imaqassaaq, taannalu pigisat agguarneqartarnerannik ingerlatsisup pigisanut agguarneqartussanut maannakkorpiaq aningaasat amerlassusaannik akilissallugit pisussaaffiinnik takutitsissaaq.

*Imm. 2.* Karsimut- aamma naatsorsuutitut ilanngussat pigisanut agguarneqartussanut tamanut immikkut originalitut imaluunniit assilillugit sanaqqinneqartutut toqqorneqassapput. Ilanngussaq sumut tunngassuteqarnerisoq, karsimut- aamma naatsorsuutitut ilanngussani tamani immikkut erseqqissumik takuneqarsinnaassaaq.

*Imm. 3.* Toqusup suliffeqarfiutaata ingerlanneqarnera ingerlaqqippat, naatsorsuutini allattuineq suliffeqarfimmi sulisumit atia taallugu, imaluunniit suliffeqarfimmi sulisunit arlalinnik atii taallugit, pisariaqartinneqartumik annertussusilimmik suliarineqassasoq, pigisat agguarneqartarnerannik ingerlatsisup aalajangersinnaavaa. Toqusut qimataasa agguarneqartarnerat pillugu inatsimmi § 50 malillugu, kukkunerisuiisoq nalunaarsorneqarsimasoq imaluunniit pisortanit akuerisaasoq, pigisat agguarneqartarnerannik ingerlatsisup atorfinitsissavaa, taassumalu naatsorsuutini allattuinerit aarlerinangitsumik piareersarneqarnissaat suliarineqarnissaallu nakkutigissavaa. Suliffeqarfik, tamakku pillugit inatsisit malillugit kukkunerisuiisumit pisortanit akuerisaasumit kukkunerisiorneqartussaq

pineqarpat, pigisat agguarneqartarnerannik ingerlatsisup taamaattoq atorfinitsissavaa.

§ 23. Suleriaatsip allap atorneqarnissaa Nunatsinni Eqqartuussiviup akuerisimanngippagu, pigisat agguarneqartussat naatsorsorneqarnerannik suliaqarnermut atatillugu immikkut ittumik aamma ingerlaannartumik karsimut- aamma naatsorsuutinut ilanngussat normulersorneqarneri suliarineqassapput.

## Kapitali 5

### *Nakkutilliineq*

§ 24. Pigisat agguarneqartarnerannik ingerlatsisup pigisanik agguarneqartussanik aamma pigisat agguarneqartussat pigisaanik aamma pappiaqqanik aningaasanik nalilinnik ingerlatsineranik nakkutilliineq Nunatsinni Eqqartuussivimmit ingerlanneqassaaq.

*Imm. 2.* Pigisat agguarneqartussat takussutissaataasa, matumani karsimut- naatsorsuutinullu ilanngussat tamaasa ilanngullugit, saqqummiunneqarnissaat, Nunatsinni Eqqartuussiviup qaqugukkulluunniit piumasarisinnaavaa.

§ 25. Pigisani agguarneqartussani misissuinissamut Nunatsinni Eqqartuussivik taamungaannaq tigooqqaalluni misiliinernik suliaqassaaq. Pigisat agguarneqartussat aningaasaataat pigisani agguagassaniinersut, aamma toqusut qimataasa agguarneqartarnerat pillugu inatsimmiaamma nalunaarummi matumani malittarisassanut naapertuuttumik aningaasat ingerlanneqarneqarnersut aqunneqarnersullu misissuinermi nakkutigineqassaaq. Aammattaaq pigisat agguarneqartarnerannik ingerlatsisup pigisat agguarneqartussat siumut ingerlannerai nakkutigineqassaaq.

*Imm. 2.* Pigisanut agguarneqartussanut pissutsit, pigisat agguarneqartarnerannik ingerlatsisup allaffiani Nunatsinni Eqqartuussiviup misissuineq ingerlassinnaavaa imaluunniit takussutissiat, § 24, imm. 2-mi taaneqartut nassarlugit, Nunatsinni Eqqartuussivimmut takkuteqqullugu pigisat agguarneqartarnerannik ingerlatsisoq naalakkiuteqarfigisinnaallugu.

*Imm. 3.* Pigisanut agguagassanut pissutsit tunngassuteqartut pillugit paasissutissat suugaluartulluunniit, misissuinermut atatillugu eqqartuussiviup kissaatigisinnaasai, pigisat agguarneqartarnerannut ingerlatsisup Nunatsinni Eqqartuussivimmut nalunaarutigissavai.

§ 26. Pissusissaanngitsumik iliortoqartoq, Nunatsinni Eqqartuussiviup ilimagippagu, toqusut qimataasa agguarneqartarnerat pillugu inatsimmi§ 54 a, imm. 1 malillugu Nunatsinni Eqqartuussiviup pigisat agguarneqartarnerannik ingerlatsisoq naalakkiuteqarfigisinnaavaa, imaluunniit tamanna pisariaqartinneqarpas toqusut qimataasa agguarneqartarnerat pillugu inatsimmi§ 54 a, imm. 2 malillugu pigisat agguarneqartarnerannik ingerlatsisup soraarsinneqarnissaanut alloriarnerit alloriaatigissallugit.

## Kapitali 6

### *Aalajangersakkat allat*

§ 27. Pigisanut agguassassanut naatsorsuutit taakkunungalu ilanngussat tunngassuteqartut, matumani pigisat agguarneqartarnerannut ingerlatsisup toqusut qimataasa agguarneqartarnerat pillugu inatsimmi§ 45 malillugu nalunaarutai ilanngullugit, Nunatsinni Eqqartuussivimmut tunniutissavai. Pigisat agguanneqartussat naatsorsuutaat aamma ilanngussartai, Nunatsinni Eqqartuussivimmit toqqorneqassapput.

§ 28. Inatsit alla malillugu pineqaatissiinerit annertunerusumik akuliunnerusut pineqaatissiissutigineqanngippata, inuk, § 16-imik unioqqutitsisoq akiliisitaasussanngortinneqassaaq.

*Imm. 2.* Inuk akuerisaalluni pigisat agguarneqartarnerannik ingerlatsisuunanani taamatut taagortoq, imaluunniit taaguummik, tassunga paarlaanneqarsinnaasumik naleqquttumik atuisoq, inatsit alla malillugu pineqaatissiinerit annertunerusumik akuliunnerusut pineqaatissiissutigineqanngippata, akiliisitaasussanngortinneqassaaq.

§ 29. Nalunaarut ulloq 1. november 2026 atuutilissaaq.

*Inatsiseqarnermut ministereqarfik, ulloq [...]*

Nicolai Wammen

/ Lennart Houmann